



Broj: 11/05-38-8345-14/19
Sarajevo, 02.04.2019.godine

SKUPŠTINA KANTONA SARAJEVO
PREDSJEDAVALJUĆI SKUPŠTINE KANTONA SARAJEVO
Elmedin Konaković

- OVDJE-

PREDMET: Odgovor na zastupničko pitanje broj:01-05-8345-14/19, od 27.03.2019. godine, dostavlja se

PITANJE:

Zastupnik Damir Marjanović je na Šestoj radnoj sjednici Skupštine Kantona Sarajevo, održanoj dana 26.03.2019. godine, u okviru tačke Dnevnog reda "Poslanička/zastupnička pitanja, inicijative i odgovori", a u skladu sa Poslovnikom Skupštine Kantona Sarajevo, postavio zastupničko pitanje: "U kojoj fazi je realizacija Akcionog plana za unapređenje prava i položaja osoba sa invaliditetom u Kantonu Sarajevo (2018-2021), i to posebno u segmentu aktivnosti Usvajanja plana uklanjanja arhitektonskih barijera u postojećim javnim objektima, a posebice u školama i fakultetima u Kantonu Sarajevo?"

ODGOVOR:

Zahvaljujemo se na zastupničkom pitanju upućenom Ministarstvu za obrazovanje, nauku i mlade Kanton Sarajevo.

Ministarstvo za obrazovanje, nauku i mlade Kantona Sarajevo, u saradnji sa nevladinom organizacijom Save the Children je osiguralo donaciju šest Roby gusjeničara za savladavanje infrastrukturnih barijera za djecu koja koriste kolica. Roby gusjeničar je doniran JU OŠ "Prva osnovna škola". Takođe, Roby gusjeničari će biti donirani osnovnim školama "Malta", "Grbavica I", "Isak Samokovlija", "Stari Ilijaš", "Treća osnovna škola" i "Umihana Čuvidina".

U skladu sa podnesenim pojedinačnim zahtjevima škola, Ministarstvo osigurava finansijsku podršku školama, kako bi se u cilju unapređenja inkluzije u odgojno-obrazovnim ustanovama u Kantonu Sarajevo, otklonile arhitektonske barijere. U tom procesu, osim Ministarstva za obrazovanje, nauku i mlade KS, uključene su i općine u Kantonu Sarajevo, NVO, kao i škole sa svojim raspoloživim finansijskim sredstvima, kako bi se implementirale aktivnosti Akcionog plana za unapređenje prava i položaja osoba sa invaliditetom u Kantonu Sarajevo (2018-2021).



Školski objekti koji su u fazi izgradnje, u skladu su sa standardima o pristupačnosti, kako bi se osiguralo nesmetano kretanje učenika s invaliditetom (u projektnoj dokumentaciji planirani su liftovi ili pristupne rampe).

S tim u vezi, Ministarstvo za obrazovanje, nauku i mlade Kantona Sarajevo se obavezuje da Vam u narednom periodu dostavi podatke o broju osnovnih, srednjih škola i visokoškolskih ustanova u Kantonu Sarajevo, koje su uklonile ili su u procesu uklanjanja arhitektonskih barijera.

S poštovanjem,



MINISTRICA

Mr. [REDACTED]

Dostaviti:
1.naslovu
2.a/a



web: <http://mon.ks.gov.ba>
e-mail: mon@mon.ks.gov.ba;
Tel: + 387 (0) 33 562-128,
Fax: + 387 (0) 33 562-218
Sarajevo, Reisa Džemaludina Čauševića 1

